

- f. Hundeiganda ber að hlíta að öðru leyti lögum og reglum, er hundahald varða (þ. á. m. reglum um árlega hreinsun hunda og greiðslu hundaskatts), svo og fyrir mælum, sem heilbrigðisnefnd setur.

### 3. gr.

Við brot á skilyrðum fyrir undanþágu til hundahalds skal fjarlægja viðkomandi hund. Sé um að ræða minni háttar brot í fyrsta skipti, skal hundinum komið fyrir í geymslu. Eigandi hundsins yrði þá að leysa hann þaðan út gegn greiðslu alls kostnaðar vegna brotsins. Sé um að ræða alvarlegt brot eða ítrekuð brot, afturkallast viðkomandi undanþága til hundahalds.

Bæjarstjórn er heimilt, hvenær sem er, að afturkalla leyfi fyrir einstökum hundum eða öll veitt leyfi, telji hún þess þörf.

### 4. gr.

Ofangreind samþykkt bæjarstjórnar Grindavíkur staðfestist hér með samkvæmt lögum nr. 12/1969 um hollustuhætti og heilbrigðiseftirlit til þess að öðlast gildi þegar í stað.

*Heilbrigðis- og tryggingamálaráðuneytið 20. mars 1975.*

F. h. r.

Jón Ingimarsson.

*Dórunn Klemenzdóttir.*

7. mars 1975.

Nr. 101.

## SAMÞYKKT

### Veiðifélags Borgarfjarðar.

#### 1. gr.

Félagið heitir Veiðifélag Borgarfjarðar. Heimili þess og varnarþing er þar sem formaður á heimili.

#### 2. gr.

Félagssvæði er fiskihverfi Hvítár í Borgarfirði og nær það til allra jarða í veiðifélögum á félagssvæðinu samkvæmt jarðaskráum þeirra.

#### 3. gr.

Félagið er samband eftirtalinna veiðifélaga:

Grímsár og Tunguár, Flókadalsár, Reykjadalssár, Þverár, Norðurár, Gljúfurár, Gufár, Hvítár og Norðlingafljóts.

Félög þessi starfa samkvæmt staðfestum samþykktum sínum sem sjálfstæð veiðifélög. Hvert félag ráðstafar veiði í sínu umdæmi, samkvæmt 44. gr. laga nr. 76/1970 um lax og silungsveiði, að liðum.

#### 4. gr.

Veiðifélag Borgarfjarðar vinnur, með þeim undantekningum, sem 3. gr. kveður á um, að veiði- og fiskiræktarmálum í samræmi við ákvæði VIII. kafla laga nr. 76/1970 um lax- og silungsveiði. Það annast meðal annars fiskirækt á félagssvæðinu, hefur meðalgöngu um samskipti félaganna innbyrðis, og er sameiginlegur málsvari þeirra út á við.

## 5. gr.

Fundir Veðifélags Borgarfjarðar skulu vera fulltrúafundir. Á aðalfundi sínum kys hvert félag fulltrúa á fundi félagsins, 1 fyrir hverja 15 félagsmenn eða brot úr þeirri tölu, og jafnmarga til vara. Formaður félags er sjálfkjörinn fulltrúi þess á fundi Veðifélags Borgarfjarðar.

Aðalfundur er lögmætur, ef mættir eru  $\frac{2}{3}$  kjörinna fulltrúa. Formaður félags skal, strax að loknum aðalfundi, tilkynna formanni Veðifélags Borgarfjarðar um kjör fulltrúa og varafulltrúa.

## 6. gr.

Stjórn félagsins skipa þrír menn, er aðalfundur kys til þriggja ára í senn, þó þannig, að á fyrsta aðalfundi skal einn ganga úr með hlutkesti og annar á öðrum aðalfundi. Þrír menn skulu kosnir í varastjórn eftir sömu reglum. Kosnir skulu tveir endurskoðendur eftir sömu reglu, og einn til vara, til eins árs í senn.

Stjórnin skiptir sjálf með sér verkum. Milli aðalfunda fer stjórnin með öll mál, er félagið varða og sér um fjárreiður þess og framkvæmdir. Þó skal hún kveðja til fundar formenn sambandsfélaganna, þegar taka þarf afstöðu til meiri háttar málefna.

## 7. gr.

Aðalfundur Veðifélags Borgarfjarðar skal haldinn árlega fyrir 1. maí.

Um fundarboðun fer eftir lögum um lax- og silungsveiði.

Á aðalfundi skýrir stjórnin frá framkvæmdum síðastliðins árs, og leggur fram endurskoðaða reikninga til samþykktar. Þar skal ræða og gera ályktanir um framfarastarf félagsins og annað er það varðar.

## 8. gr.

Kostnað af starfsemi félagsins skal jafnað niður á félögin, eftir samþykktum aðalfundar hverju sinni.

## 9. gr.

Samþykkt þessari má breyta á aðalfundi, ef  $\frac{2}{3}$  fulltrúar samþykkja það, enda sé þess getið í fundarboði, að um slíka breytingu sé að ræða, og breytingartillögurnar hafi verið kynntar á fundum félaganna. Nú verður breyting á samþykktum ekki afgreidd vegna ónógrar fundarsóknar, og má þá boða til annars fundar. Á þeim fundi ræður afl atkvæða.

## 10. gr.

Brot gegn samþykktum þessum varða sektum samkvæmt lögum um lax- og silungsveiði.

Samþykkt þessi staðfestist samkvæmt lögum nr. 76, 25. júní 1970, um lax- og silungsveiði og birtist til eftirbreytni öllum þeim, sem hlut eiga að máli.

*Landbúnaðarráðuneytið, 7. mars 1975.*

**Halldór E. Sigurðsson.**

*Ragnheiður Árnadóttir.*